



137

書李仲達詩

夜坐湖上霜月出於林端雁影掠湖而西寒風  
颯至水石怒號如劔槩相摩終夜有聲久之步  
入清樹軒試秋露白讀李仲達詩如讀陶韋諸  
集充快自得於懷僊僊乎樂也余時亦欲爲聲  
律之學斷自漢魏以迄宋元務了達作者合離  
通塞之繇內足于性情而外不阨於物象力專  
而志一庶幾乎一遇焉快而未必其遇也昔王

落齋遺集卷四  
一  
羨陂欲填北詞迎善歌者至家閉門學唱三年  
狀後操筆其難也如此仲達率不繇其途而竟  
以詣極人之才力固若是倍屣無算也夫自珵  
而放之者自山而止矣天狀乎哉年弟蕭士瑋  
書於春浮園

招五州敘

丁巳乞假還里與仲達每過一驛余趣題一二  
語仲達第品之而已余謂子通體皆詩何以不  
詩微笑曰聊復作耳吾無行而不與子詩者間  
酬一二語便有空山無人落花無言之致別四  
年而寄我長安已哀狀一編則吏廬山來爰書  
之暇經行宴坐公案也始歎天機清妙隨其所  
出欲落一俗吻故無處著俗廬山自白蓮開社

後緇黃之游者藍輿機笠之不勝數青蓮題後  
其崖間水次之咏飛流濺沫殆復不勝湔而獨  
淵明能千古此山者只爲其人不俗詩亦如之  
管人秋菊有佳色句以謂南北朝人菊詩多矣  
盡菊之趣無過斯語他花不足以當此余謂淵  
明正無不佳彭澤八十日佳於令柴桑三十載  
佳于歸飲酒二十首佳於醉止酒二十句佳于  
醒飽則雞黍以迎客饑則扣門而乞食乞之也

其諸異乎人之乞之也與狀則乞亦復自佳矣  
子原有陶之句而無其情樂天有陶之情而無  
其句此語殊不狀淵明之外可容再有淵明耶  
亦云得其意而已矣儲孟也韋柳也白蘇也皆  
意之近陶者也余即不敢罪過口語謬推一人  
于淵明間爲參寥所呵若仲達者可謂得其意  
也矣可與言陶也矣虞山年弟魏浣初寄題



落落齋遺集目錄卷四

招五草

秋仲修祀廬嶽祠因憇棲賢寺六階

觀瀾閣用壁間韻

晚衙閒眺

其二

潯陽姚司李以遷行小詩送之

袁九滌使君覲行歌清風兩袖十章予代

庖久喜公之還郡也歌以迎之

其二

其三

其四

五乳寺訪愍公

九日袁使君招遊五老峰絕頂次韵

其二

其三

秋夜渡章江

小舟迎家大人以西久而未至風雨凄

凄賦此

其二

雨中芙蓉

白鹿洞答袁使君見贈之作

諫士宿鹿洞月下口占

其二

其三

其四

鹿眠亭望五老

再用前韵

宿天池寺

同袁使君遊石門即事

石門禪房揭止靜二字試以偈問之

其二

雪中渡章江夜行宿華嚴公署

繆采星矢弗納妾也今秋下帷江上乃得

吳姬小詩問之

其二

五月渡章江乘風下彭蠡

憶家大人西來之約

其二

除夕

春日偶成

王葆真寅丈賦歸劔川次韻奉別

夜行廬山道大風雨宿歸宗寺

中秋酌季弟以酒遂至達曙

對月懷魏仲雪

自課

秋仲芝山道中得家報迎家孺人遂兼

程還郡阻風于左蠡渡

其二

其三

其四

其五

憶衙中桂花

家孺人來官舍三年憶外大母而歸牽衣

沾袂行李蕭然寫詩一章識遠離之痛

送季弟東歸



其二

君不見答仲雪

舟過鞋山

簡大來母舅

鍾陵道中憶家孺人江行

候得南風再賦

入署有感

東林寺書示三昧上人

開先寺同袁使君石亭坐雨

宿黃巖

曉起白雲滿壑遂披雲緣磴而下

仲冬六日宿鹿洞有懷示諸子

其二

再訪憨公

適有亾婢之感憨公來索新曆走筆代簡

不寐

落落齋遺集 卷四  
學博王君以雙瑞圖索題走筆贈之

除夕得家報

奉和袁使君題籥雲橋之作

其二

題陳孺人灑淚篇

答瞿起田年兄代簡

袁使君榮遷滇憲賦五言二章見別次韵

奉酬兼以志感

其二

送別袁使君子棲賢寺小酌籥雲橋望五

老峰

其二

孤興篇

登金山

妙高臺

十八遊醉翁亭追憶金山之勝却寄魏仲

度關山有懷舊遊仍次裂字

濠梁

兩行

春日旅懷得四支

其二

其三

其四

其五

其六

其七

其八

其九

其十

送春

其二

東阿飛沙

德州道大風

偶成

初夏發良鄉固節驛

同王念生遊慈壽諸寺因宿摩訶庵

次日登玉泉山萃巖上下洞晚坐史氏竹

亭薄暮乃去

碧雲寺泉亭小雨

夜月有懷魏仲雪舊遊

田枝鹿留兩燕姬單車錦旋予既別緒縈

懷兼感其意遂同丘信之酌酒歌以送

之

七夕得陰字

秋之仲外舅斗垣翁周一甲子小詩為祝

其二

李元鎮道其弟仲鎮好遊竟客死玄岳下

除官後口號

其二

其三

旅次寫懷

其二

鄒道阻雨宿小庵

其二

初入徐州道晚行

張仲餘為其叔秀湖君索贈走筆寄之

懷魏仲雪却寄

簡繆采星

其二

渡淮雨行歌以自遣并示仲餘

夜月渡磨盤山

關山嶺

落落齋遺集 卷四  
余凡三渡歌關山矣漫續短章

江夜

簡黃贊伯

春暮偕仲餘走長安秋半賦歸予行爲匡  
廬客矣書此留別

桐江行

倚雪篇

東河道中雪山

孟嘗養士處

得家報寄大兄

自述

懷子集之

閨思

望東阿山

晚次東阿野望似仲雪

其二

落落齋遺集 卷四  
過新城弔荊卿

去冬過東省饑民食柳皮柳盡白今復成  
陰矣

紀夢

紀行

車中偶成

憶家園

予受知荆溪周老師輒深國士之感耿耿

此心寄之短篇

彭城山行

曉山

渡淮

過關山

懷方孟旋

渡江別魏仲雪

閱季弟文喜而有作

學餘草

月下同友步松徑

除夕

送春

雨中閱楞嚴

晚涼即事

雨梅

閒懷

晚飲菜花下

偶成

夏夜

和陶飲酒十二俱拙直無餘味今存其四

其二

其三

其四

白下送友歸吳門



其二

其三

其四

擬怨歌行

如夢令

落落齋遺集目錄卷四

終

落落齋遺集卷四

江陰李應昇仲達著

男遜之輯

招五草 小引

如斗山城落星一點而五老眉橫天半舉雲而  
俯瞰之予于署西隅構一小閣揮手相招風清  
響答時復舉盃遙屬高歌伐木之章忽焉興至  
振衣以從顧視五老乃在予足下狀則折腰五

斗安在無伸眉白眼時耶素月輕霞怪風積雪  
舐空得味觸響成哦卽托寄不同欣慨各別要  
使湔肺浣墨以對五老其致一也辛酉夏書於  
招五閣

秋仲修祀廬嶽祠因憇棲賢寺

行行山之阿山寫秋容素泉響白雲侵蠟屐每  
疑誤高陳匡君祠俯落千層霧虛倚隣白樓  
名樓  
隣  
兩山左右顧當案湖映沙濃淡沙頭渡飛觀

五老峰絕磴三五路日斜促近遊萬壽名亦故  
寺荒佛眼塵藤古石腰互礪道開深凹桂枝百  
可數轉轉飛泉平來水淵停乳千片碧玉盤幾  
點白石梧歎息山中奇疎密松根護僧知平可  
耕誰道幽堪臥息步入棲賢鐘鳴三峽怒坐久  
不知暝歸去衣沾露

觀瀾閣用壁間韻

閣近滕王

勞勞行役一登臺懷抱凌風得好開江靜魚龍

落齋遺集 卷四  
剛入定簾疎雲日欲浮來青山對出千秋眼碧  
漢孤懸萬頃杯高閣祇今誰作賦落霞長憶子  
安才

晚衙閒眺

煙雲千頃坐孤城一洗鉛容別樣清恠得冰心  
人境遠霜寒月白好申盟  
一庭霜氣靜無譁拙政剛看罷晚衙好倚虛牕  
餐秀色坐來手煮武夷茶

潯陽姚司李以遷行小詩送之

潯陽星渚腹背相望匡廬介其中兩司李  
行車食宿瞪眼向人却不入谷簾一杯也  
予來後傲我三年輒稱同好今傲我以州  
大夫賦歸雲間誓不執手板此後匡雲吾  
獨爲伴愧傲我尊鱸多矣賦呈一噓

姚子澹蕩人腰折江州吏文移拄笏了放衙理  
幽事予亦薄遊匡相將五老睡一片香爐雲與

君分曳被行車織薄干鄉酒拚予醉慷慨發高  
歌蕭靜領孤意君說返故園小艸甘獨寐酌酒  
試問君毋乃五鬼崇五年饑欲歿方州人所臆  
大夫浪擲手鄉里小兒刺君曰心悠哉寒魚不  
可餌歎息送君行張翰今誰二

袁九滌使君覲行歌清風兩袖十章予代  
庖久喜公之還郡也歌以迎之

清風兩袖朝天去還有香鑪一片雲料得長安

人不識歸來試與小匡分

清風兩袖朝天去寂寂匡城夜月孤六案飛塵  
勤為掃君看得似去時無

清風兩袖朝天去落寞春山不共遊長說湖中  
了公事笑予禿盡指尖頭

清風兩袖朝天去餐勝樓頭放鹿眠草色齊齊  
青不剪去來清味總悠哉

餐勝樓公署中所名

五乳寺訪愍公

路入叢棘中不識青山面折歷松脚摩艸沒蹊  
如線滴滴五乳鮮何處飛絕巘溪回徑始平翳  
盡峰爽見愁公息深深熊虎恣奇變泉甘浮乳  
花香靜團雲片聊復理玄言五岳指端電

九日袁使君招遊五老峰絕頂次韻

松露微微竹滿林幽蹊可數白雲深乍疑洞口  
來僊窟不信人間有佛陰采藥香餘空外味坐  
花清斷世中心山僧細引藤蘿徑五老玄踪何  
處尋

使君高韻淡于秋况復秋峰千尺頭飛酒臨風  
開紫霧亂雲歸壑捲蒼虬煙寒遠水茫茫眼星  
落孤城點點漚搔首青天吾欲問從來仙吏幾  
人遊

風流遮莫負重陽剪菊廬高興好償嵐盡數峰  
凝晚黛瀑懸三疊濺輕璫塵容耐可雲邊洗傲  
骨偏宜天際狂徒倚鐵船巖上石祇疑星漢落

奚囊

秋夜渡章江

艇向章江歌懊惱而今清思滿江邊  
片帆輕渡橫波月老樹斜披斷岸煙  
風動絲絲漁火亂天空冷冷暮鐘懸  
但教客路長如此斗酒吟秋吏也仙

小舟迎 家大人以西久而未至風雨淒

淒賦此

雨滴荒階靜風欺小牖寒懶將遊子眼  
空逐亂帆看秋老催鄉思江長斷羽翰  
吾廬盈菊把底事累猪肝

搖落今如此江行更若何蒹葭烟未了  
鴻雁晚來多雲薄憐輕袂風柔捲素波  
計程無近遠惆悵雨帆過

雨中芙蓉

花入秋都淡盈盈此可憐力柔全褪雨  
紅嫩欲

欺綿嬌意看成妬  
顰餘怨未妍  
羞將桃李後  
故倚菊花天

白鹿洞答袁使君見贈之作

翠屏迴合轉巒岈  
百尺龍鱗倒影看  
鐘鼓虛堂雲靜落  
圖書深鎖葉飄殘  
藤陰石古還眠鹿  
泉色霜分好濯肝  
自是紫陽重振鐸  
可須李渤更登壇

課士宿鹿洞月下口占

長松蔭寒泉  
隙月墮深井  
驚濺老龍鱗  
散落千層影

山靜鳥無言  
月波冷可沐  
不道石上月  
還疑眠白鹿

渡溪芒屨濕  
兀立酒初醒  
點點松梢白  
疎痕幾箇星

言尋獨對亭  
相將松影空  
獨對者誰子  
問松松不語

鹿眠亭望五老

鹿眠亭上招五老  
縹緲輕雲不可掃  
雲行誰爲洗眉痕  
如黛如藍復如縞  
日炤明霞天半飛  
瑪瑙屏中映紫薇  
紺色酣餘青欲上  
不知何處染纖衣  
是耶非耶瞬已變  
山靈呼吸開生面  
五老千秋眼自醒  
生面年年人不見  
願將白鹿嶺頭眠  
分我眉端雲一片

再用前韻

紫芝不共商山老  
黃石人間行跡掃  
屹向天門障玉屏  
羽扇綸巾明素縞  
嶺末年季白鶴飛  
嶺外何人學采薇  
獅子夜擎承露掌  
鐵船朝掛碧雲衣  
幻花空色指端變  
山中豈識真山面  
結廬其下會有時  
百丈芙蓉月中見  
如聞咄咄呼孺子  
玉髓丹書但如此  
不見當年十二郎  
白雲有約老何方

宿天池寺



崔嵬凌身道山勢與天分香靜千松月鐘飄萬  
壑雲鉢虛饑鼠立僧定夜猿聞孤枕秋聲裏蕭  
蕭對此君

同袁使君遊石門即事

招尋美幽壑景物若爲牽斷靄初封幕濃陰自  
度篔露于杉翠滴霜以袖紅妍石棧雲深護溪  
春雪亂濺潭鳴龍欲寤葉墮身如憐忽訝凌雙  
劍方知別一天峰尖攢齒嚙苔艷簇粧鬢乳竇

靈光矚雲根鬼斧削碧霄人語響蒼壁水痕緣

嵐影搖金鎖芝房掛鐵船

金鎖鐵船皆峰名

危藤時駭

鹿絕磴不飛翥險奪前崖秀奇貪後叟鮮僧携

夕炤暝塵引夜燈傳饑煮胡麻飯寒披白霧綿

漏遙香篆信鐘定衲衣穿曉磬敲山骨驚雷鼓

石田過溪應問虎卜社未成蓮自識塵非故誰

知肺已湔好教畢居士名共謝公鑄

石門禪房揭止靜二字試以偈問之

落落齋遺集卷四  
問汝止云何萬法本無住澗聲流不息汝心在  
何處  
靜中何所有靜中何所見十年坐蒲團錯認如  
來面

雪中渡章江夜行宿華嚴公署

飄零寒雨惱歸程江勢風驕辣膽行水面好從  
團雪打布帆一任怒濤橫渡餘泥草羸蹄滑濕  
盡楓烟驛火明旅席繁霜正淒斷巫雲底事夢

中生

繆采星矢弗納妾也今秋下帷江上乃得

吳姬小詩問之

相思秋有雁那惜一行書蘇小丰應別江郎筆  
可如巫雲朝鎖夢梁燕晚窺梳想得風流意殘  
紅欹席餘

劇有梁鴻操風情底事顛芙蓉江上好明月鏡  
中圓鳳管輕喉度龍團素手煎無煩畱別院應

使見猶憐

五月渡章江乘風下彭蠡

芥子書生膽衝濤五月寒龍吟如有訴風力若  
爲官帆半飛于馬湖長淨可餐快哉驚定後不  
信涉波難

憶家大人西來之約

記得牽衣別蠶雲片片飛祇今雲在眼不見別  
時衣

去日悲秋晚前期下井桐無將蕭歌意零落桂

花風

嘯歌家  
園閣名

除夕

寒雨淒淒隱小龕驚心客歲已除三紅爐不煖  
霜侵肺明鏡應憐髭滿頷斷掃名根從裂爆辛  
甜宦味且嘗柑何年團坐聽簫鼓說到家山夢  
也酣

春日偶成

春風小煖拂霜姿斟酌春心入酒卮學吏三年  
孤影瘦登樓千點暮雲欹尊前綠萼憐同調眼  
底青山好放眉阿母手携春菜煮喃喃早有索  
羹兒

王葆真寅丈賦歸劔川次韻奉別

春風吹斷鷓鴣聲漠漠寒烟野水生越客歸時  
雙劔老吳儂愁處一旆橫吏分栗里真成隱案  
入匡山別樣清君學掛冠緣底事登樓長嘯轉

難平

夜行廬山道大風雨宿歸宗寺

路暝匡山下疾風顛我車激射雨師怒崩騰山  
鬼呼蘆火護明滅憂憂石隈驅佛子忽開林驚  
魄來招予馬嘶僕喧立相駭澤中癯茶熟正可  
啜獨坐埒其鬚雨亂隱清磬風高度木魚喜怖  
了不異是非定何如

中秋酌季弟以酒遂至達曙

落落齋遺集 卷四 三  
好醉他鄉酒無將歸事題輕簫風語後清磬竹  
枝西雲盡秋孤月星寒夜度雞幽懷殊可數水  
署宛招提

對月懷魏仲雪

時仲雪涉北雍

思子意何限盈盈秋水東心將天際落影在月  
波中寫得詩都靚應知道不窮片瓊霞自舉愧  
我久樊籠

自課

檢點三年事峰頭五老知饑來貪煮雪興至酷  
題詩傲骨欺風雨閒情友鹿麋柴桑真吏隱醉  
石是吾師

秋仲芝山道中得家報迎家孺人遂兼  
程還郡阻風于左蠡渡

摘得桂花初釀酒香驅走馬又西東飄零風雨  
芝山道幾樹殘花入夢中  
昨日江鱗剖素書都將歸事問何如可憐遊子

落落齋遺集 卷四  
牽衣挽阿母其能學絕裾  
三將清夢數離憂爲許歸期二月諏只恐夢醒  
仍是夢難將望眼繫歸舟  
遙返山衙慰母思石牛嶺上度金雞誰知星影  
催殘道渡口波橫竟日維  
盈盈斷岸望中分百尺湖波捲白雲贏得孤舟  
鈴拆靜秋風都是楚騷文

憶衙中桂花

山衙蕭索如空山野艸蒙茸赤土頑鑿池破痕  
井常渴移得江花無好顏咄咄老桂爾何力舉  
枝挺秀叅雲間東閣孤迎旭日麗西齋對立秋  
風閒三秋見爾長十尺鮮青掩映薜蘿斑花神  
爲我着意舞花發年年跋往還相思不信夢中  
見下有仙子雲衣爛酌予沆瀣紫霞盞飄飄素  
影明雙鬢數聲鼓角斷殘夢遊魂牽絲不可刪  
咄咄花神能御李濃香勻出素與蠻他年并州

爾爲主相招五老點清班  
家孺人來官舍三年憶外大母而歸牽衣  
沾袂行李蕭然寫詩一章識遠離之痛  
阿母携兒來非爲湖魚美管兒帝京遊母思食  
停匕出戶喧朱旗望眼間空倚說道南康貧炊  
黍肉斷齒藜羹對兒甘豈學膏梁子暫辭家務  
勞空衙坐針指慈悲教兒心清靜得治理兒將  
驕莠鋤母曰矜勿喜兒噴邑吏殘母曰令之恥  
瓦疎雪滿床室逼暑常泚買工築一椽母曰民  
勞止爲願母加食爲願母著綺母曰無饑寒不  
見門如水日晏兒啼饑婦嘻哀充耳母已含哺  
先烹茶手持簋雞鳴兒出門驚夢戒薑芷束裝  
兒遠行擘菓置袖裏兒如魚在淵只道應如此  
甌塵問阿爺航米惟母旨酒脯與棗茶布絲枕  
簞履滿眼故鄉物紛耳平安紙三年隙影過一  
綸彈指擬父曰歸助予絲紛莫綱紀弟妹妻盈

落葉蕭蕭江上船故鄉千里一潛狀不知何處  
重回首溼盡蒹葭埜水煙  
采采芙蓉當酒錢青山白露晚江天家人若問  
君不見十年讀書不讀律執筆披文喬面鐵又  
不見驄馬行來吏折腰雨打塵蒙蒙氣消小李  
一飲三十盞而今霜月凌醒眼佛子捫虱指膽  
柔而今激射飛荆板都無卓豎慰君思咄咄冰  
心云異撰官貧如女貞不辱何足名况于司李  
冷如雪風驅劔削星斗橫年年航米父哺我阿  
爾爾

送季弟東歸

官衙事一片匡雲在几前  
君不見答仲雪

落葉蕭蕭江上船故鄉千里一潛狀不知何處  
重回首溼盡蒹葭埜水煙  
采采芙蓉當酒錢青山白露晚江天家人若問  
君不見十年讀書不讀律執筆披文喬面鐵又  
不見驄馬行來吏折腰雨打塵蒙蒙氣消小李  
一飲三十盞而今霜月凌醒眼佛子捫虱指膽  
柔而今激射飛荆板都無卓豎慰君思咄咄冰  
心云異撰官貧如女貞不辱何足名况于司李  
冷如雪風驅劔削星斗橫年年航米父哺我阿



母煮菜厨無羹一官若寐何時寤舟飄車度衣  
沾露五老峰頭清夢醒白鹿群中伴魚蠹詩籤  
文管聊復一月影松風心暇素咄咄李生樊中  
鳥兩翼垂垂空矯矯坐對芙蓉長憶君胸懷歷  
落知多少

舟過鞋山

何人鐵脚度天門踏斷雲根蠡水昏一隻麻鞋  
流不去至今風雨老龍奔

簡大來母舅

寸管年年食蠹魚酒淫碁癖近何如幾時鬪指  
敲殘月耳熱嗚嗚話子虛

鍾陵道中憶家孺人江行

行行陟屺望歸舟搖落江天滿目秋清夢可禁  
潮夜打迴腸無計水西流侍兒絮語三年事季  
子分消千里愁風日宜人隨意好輕帆遮莫下

蘆洲

候得南風再賦

好風江上送親歸，想得窓紗映彩飛。  
檣穩波容平似織，帆懸岸影疾于機。  
聽歌漸說鱸魚美，問郭遙看柿葉肥。  
紫蟹瀕江如掌大，阿奴知否爲調饑。

入署有感

霜路三千里，孤帆向落暉。  
入門看穉子，別淚忽沾衣。  
風信燈知報，江聲夢不違。  
平生龜勉意，於

此宦情微

東林寺書示三昧上人

我來叩遠公，謾謾松風語。  
遺響滿空山，溪雲不可煮。  
人去虎亦逝，紛紛渡溪子。  
一聲午鐘鳴，徬徨不能去。  
試問三昧師，遠公在何許。

開先寺同袁使君石亭坐雨

重到開先寺，霜林酒色分。  
都因烟雨意，來就麋麋羣。  
絕壁迴寒瀑，孤亭鎖濕雲。  
褰衣還促飲，侵

袖已紛紛

宿黃巖

寂歷幽巖上山僧一艸庵片雲栖冷衲雙劍影  
空潭風雨孤燈夜人天短塵談蟄雷驚嘯虎枯  
夢不成酣

曉起白雲滿壑遂披雲緣磴而下

洞口山猶碧人間路已封霏連銀海雪浴出紫  
霞峰弱水盈盈合支機處處逢定知雲下者縹

緲望僊踪

仲冬六日宿鹿洞有懷示諸子

良夜何迢迢松風發深省廓狀餘寸心而况芻  
身影寒鴉巢白雲高棲謝塵穽機冥色亦忘斂  
翮旭還逞至理悟消息達士亶云靜

峩峩五老峰宵紫朝復碧點綴托雲霞千秋此  
白石野花春芳菲繁霜萎陳迹試觀洞口松亭  
亭自膚澤空華衆所艷素心各有宅壯懷薄青

霄志士恥倖獲曳裾何太勞委運詎不適

再訪愍公

霜林點點翠微中乘興還來叩遠公冷衲臥穿  
雲自補殘經詮斷葉初紅浪猜壁影原無相爲  
問禪關到底空兩度塵玄渾夢景相看遮莫是  
飛鴻

適有亡婢之感愍公來索新曆走筆代簡  
昨日朝雲誦六如朝來佛印忽貽書正于寂際

觀生幻何必山中識歲除塵業無邊思泐兩宦  
情空擬學寒魚大師願力深同海爲乞禪燈炤  
冥車

不寐

寂寂深更轉漏遲夢餘千縷繫人思纔驚玉碎  
添新怨未褪衣香憶舊時機畔寒蛩聞悄語竹  
西涼月掩愁眉年年孤枕冰心在不信芳魂恨  
別離

落落齋遺集卷四  
學博王君以雙瑞圖索題走筆贈之

我觀五老峰崔嵬落星斗千秋霞色鮮兒孫衆  
培塿掃除金碧粧素骨凌霜久郡與峰爭寒吏  
亦傲素手王君首藉貧羣中矯鶴首問君源何  
清上有鶴髮叟解推今所希人矜鄉祭酒阿母  
正齊眉甲子各逾九斑斕滿堂前繩繩絲狂藕  
我觀雙瑞圖五老伯仲否采將雲滿筐拾得芝  
盈缶白雲剪作衣紫芝甘可剖君且歸去來持

此介眉壽

除夜得家報

呼兒鬪彩若爲嬉惆悵家書攪恨時雪打芳魂  
休爆竹酒消殘淚罷題詩多情此夜成春夢薄  
命何年不鎖眉珍重雙親憐憫意九原應遣淑  
靈知

奉和袁使君題籥雲橋之作

崩崖如削走鳴湫山骨撐來鳥道浮金井舊傳

三峽曉玉淵今帶五峰秋雲根倒影懸青壁霞  
幙飛空接素流閒月停欄孤鶴遠相看直作廣  
寒遊

翔虹初下飲山湫漱出層層碧玉浮壑隱奔雷  
堪對嘯牕涵澄影更宜秋寒烟兩屐微鍾度暮  
雨千峰倒檻流鐵笛吹殘問樽酒孤清不數六  
橋遊

題陳孺人灑淚篇

孺人之歿也人以慷慨烈丈夫奇之余獨  
謂吳公數嬰其阨孺人早聞日者言沉吟  
數四曰惟我歿可以代之此豈區區烈丈  
夫事哉生則緹縈歿則紀信孺人可謂殺  
身成仁矣

虎冠者何雄一紙雷霆薄檻車躡飛霜志士矢  
溝壑慷慨丈夫難何乃碎柔魄捐軀代君子從  
容酬宿諾一死悟聖明孤臣生有托血碧謝

落  
落  
遺集  
卷四  
三  
緹縈義氣翔寥廓只今湖濱虎跡稀斜陽黯黯  
愁雲落

答瞿起田年兄代簡

千里連江樹三年杳夢思永懷看月墮芳訊到  
梅時琴淨君孤瘦山清我自宜拍肩如共語應  
笑滿頷髭

袁使君榮遷滇憲賦五言二章見別次韻  
奉酬兼以志感

朝餐紫岫霞夕吸青松露疑是白香山寐身今  
忽寤雲綺紛縱橫湖山入吞吐錦囊貯已盈甌  
塵亦其固風流憶何許敲韻寒鐘暮

公自號  
寤白

弱羽初試飛迴翔多畏色覆翼得所依飛鳴各  
相憶俊翮忽冲霄風雲天際逼嗟予獨羈棲寒  
煙渺鄉國知音曾幾人肝肺詎忘刻

送別袁使君于棲賢寺小酌籥雲橋望五  
老峰

送別匡山中酌酒邀五老眉影天半橫輕翳淨  
如掃青眼爲君開飛雲贈遠道遠道一回首煙  
霧迷深草何處最相思峰頭孤月皓

靈境千尋閱一朝敞幽界飛梁架絕壑蒼壁龍  
鬚掛響奔玉瀑寒乳滴石雲怪級級淙鏡涵高  
下迴波灑戀別此徘徊他季魂夢債

孤興篇

小引

丁巳春莫仲雪方偃卧匏園予迫選期杖策獨  
往書生散骨將就羈縶引杯撫劒寥寂無歡炎  
沙故來相勸率短吟以謝之跋程六千逝日百  
八十選言三千有奇蒙塵叩缶其是謂乎石炤  
居士書

登金山

平江峰一點簇簇到眉青蹊斷參差石廊迴上



下汀穿林捫弱薛踏閣敞疎櫺懸磬流空響飛  
霞影翠屏徑從僧熟引泉好汲餘聽萬斛知龍  
噴孤根仗佛靈塔尖有艸宿臺畔幾人醒祇疑  
清夜月坡老嘯孤亭  
妙高臺

孤岫凌江面高風淨石泥雲浮千嶂合日漾萬  
波嘶檣影危欄動鄉烟極浦迷何時閉嘯傲酣  
望月輪低

十八遊醉翁亭追憶金山之勝却寄魏仲  
雪

飛花白白趁輕遊勝境都爲洗客愁學士曾過  
泉尚韻醉翁一去澗空流登臺倚石孤吟斷叅  
佛看梅清梵悠回首思君天外遠懸知來往北

山頭

亭有老梅  
文忠手植

度關山有懷舊遊仍次裂字

我愛秋山雲片裂春雲澹蕩山光絕我愛空巖

落落齋遺集卷四  
雪色奇飄飄飛絮濃於雪幾度關山幾度思素  
心未許囂塵沒公孫巧獻妾婦容長孺自守丈  
夫骨功名富貴各有時豈論區區工與拙稽首  
神前無所求清心何地不林丘若教斷却稽康  
癩碌碌折腰安足愁

濠梁

濠水浮今古儵魚閒上下客心何茫茫愧此觀  
魚者

雨行

春路翻蕭颯淒寒惱絮輕已多離別意况復雨  
風聲堤滑欹車度雲昏趁艸行此時故鄉子燒  
筍聽啼鶯

春日旅懷得四支

蕭蕭古驛點更時惆悵紗窻月影移自是孤懷  
容易斷不關清影亂人思  
祇有白雲迷望眼那知青柳已飛絲春風吹得

花點點九曲迴腸寸寸思  
漫道寬心應是酒纔貪酒白又停卮愁來醒眼  
還疑醉醉裏紛愁似亂絲  
膝下難忘捧檄思翩翩裘馬浪分離五更零落  
千行淚夢到親闈問寢時  
鼓角初殘鄉夢縻僕夫唧唧歎行遲閒情真合  
青山老懶癖那堪黑帶欺  
驛亭客夢醒何日積得千愁半別離我有離愁

并寄與莫教日日苦相隨

飛沙陣陣染雙眉不管昏眸并裂肌一片冰心  
知在否若教俗却倩誰醫  
列炬鳴騶官道馳迢遙只見艸參差江南夜色  
還堪憶點點村燈吠犬時  
笑殺江南輕薄兒垂鞭柳陌浪情癡可憐滴滴  
青如許分付春風好護持

吳水吳山長是夢燕雲燕樹強裁詩詩成回首

三千里夢裡悠悠總不知

送春

忽忽驚春暮勞勞笑此身好花誰作伴落日一  
征人古道殘碑出鄉思芳艸親別離蕭颯久不  
是爲傷春

驛路縈歸夢風光信去流三春殘日影孤客暮  
雲秋零落憐飛絮支離愧野鷗今宵數更漏長  
短總關愁

東阿飛沙

黃沙倚風驕顛狂着空舞蒙蒙烟霧中毋乃殺  
肺腑肺腑幾人清風塵自今古安得臥青山臨  
流閒閉戶

德州道大風

顛風蕩輕車搖搖驚欲墮眼從亂沙打身如欬  
器坐震撼挾雷霆崩摧萬木臥風威裂膽寒肅  
心祇天怒

偶成

亭亭嫋嫋十三餘  
絲髮鬢髮覆額初  
不必阿嬌金屋裏  
好將清月伴芙蓉

初夏發良鄉固節驛

驛程過固節望眼入長安  
氣煖知依日風輕好  
整冠襟山西映紫宸極北浮丹  
自笑迂疎意徘徊擇木難

同王念生遊慈壽諸寺因宿摩訶庵

郊遊豁塵想次第訪祇林  
清淨蓮花落莊嚴寶色侵  
午眠酣佛日趺坐證禪心  
謾謾長松下時聞清梵音

次日登玉泉山華嚴上下洞晚坐史氏竹亭薄暮乃去

洗出風塵眼山容仔細看到來  
盤礴意賞此曲迴瀾洞杳雲根出  
峰平屋脚寬翳狀竹林好秀色飽  
供餐

碧雲寺泉亭小雨

千巖隨意碧衆壑自停雲是處濃濃抹幽泉細  
細聞雨聲勻落子荷意媚輕裘不盡蕭疎致悠  
哉對此君

月夜有懷魏仲雪舊遊

永日炎氛薄夜色散空涼微微漾星影纖纖流  
月光塵淨雲輕迴佳哉素秋啟秋啟寫君骨鬪  
指念君狂有時幽隅拱勝乃月際印醉眼青復  
白飛揚意難忘君今空山屐清嘯彈新篁而我  
凌孤翼撫影幾迴翔襟期豈在酒太息非離傷  
看取悠悠思片月皎相望

田枝鹿留兩燕姬單車錦旋予旣別緒縈  
懷兼感其意遂同丘信之酌酒歌以送  
之

伊昔秋風走馬歸取次高歌爰別離天涯兄弟  
留連意吳客悠悠雲樹思青柳低眉月在眼江

山遼落懷何限迢遞征車去復來若箇纍纍墨  
綬縮酒豪剩有淮陰丘田子雙娥婉轉留一朝  
去我臨汾道瑟瑟雲寒月影秋可惜秋聲斷雁  
羣可憐孤月冷巫雲修蛾澹粉入宮妬趙舞燕  
歌緩送君君行不必頻悽惋念取柔情誓旦旦  
拙哉炤膽并守宮貞心轉石石應爛感茲酌酒  
三嘆息羽聲慷慨慘行色飛鴻泥爪亦偶狀青  
山明月長相憶若過易水吊荆卿莫道今人不

如昔

七夕得陰字

昨夜梧飛井秋風度翠陰白雲遊子意赤岸故  
鄉心赤岸余  
家里名乞巧誰家女和鳴幾箇禽可憐燕  
市上元自帶吳音

秋之仲外舅斗垣翁周一甲子小詩爲祝  
甲子初迴秋半時當堦淨月炤深卮漫看弧矢  
狹心在若箇兒孫老眼宜身世儘容棋局穩風

情剛好秣田遺尋常擺落閒憎喜大雅令予動  
古思

蕭蕭素業澹隨緣落落閒懷幾醉眠不學王孫  
豪白馬好將心事對青天一經老去衣冠舊百  
慮寬時髮齒堅小隱鹿門深歲月滿庭蘿薜已  
蒼然

李元鎮道其弟仲鎮好遊竟客死玄岳下  
弔之

謂遊足以歿牖下者誰子幻形等歸壑千載竟  
誰是之子有宿緣五岳半錯趾高情癖泉石深  
山友鹿豕捨得烟雲觀譜入飛仙史若道武陵  
源把臂入林矣危峰影翠嵐幽洞流石髓凡骨  
礙凌空神遊躡雲軌祇今玄岳顛縹緲掛展齒  
除官後口號

嬾于吏局問雌雄星渚何緣入夢中酒韻文心  
收拾太刑書官格好磨礪



纔掃書生筆硯緣又提十指課蒲鞭年年活計  
憑枯管簪筆何人日月邊  
歸心日夜繞江干贏得歸時菊可餐傲骨而今  
剛半折籬邊莫作簿書看

旅次寫懷

矯矯風塵翼去去山澤居行役古所嘆遠道渺  
愁予青山有好顏相將引迴車車行駕飛雲山  
青落日餘巖棲懷靡及目眺空躊躇寄問東籬  
菊枯莞定何如

我昔盟秋風野芹白雪煮深文詘蒼鷹望腹笑  
鼯鼠波濤濺擊中投足慮多齟羯來五鬼驅名  
字落星渚俗簡澹無華廬峰秀可茹高衙風蕭  
蕭流雲靜楚楚行矣及秋風矯首風前語貪泉  
苟不酌簿書足容與里婦拙為容聊復理機杼  
鄒道阻雨宿小庵

天意蘇東郡風雲千里同殺蝗雷捲地驅魃雨

乘龍孤客窮途日懸車破甌中那知燈一點夢  
入小龕紅

津梁疲佛子衲鉢小因緣放腳如如地枯心得  
得禪鍾飄僧欲定雨灑法無邊只此茅茨下屈  
狀穩客眠

初入徐州道晚行

澹澹秋容寫碧時殘霞點點度輕帷天垂平野  
星分影地坼東南月半規幾陣飛蝗催客淚數

聲絡緯擣歸思當年放鶴人何處一爲停車問  
酒旗

張仲餘爲其叔秀湖君索贈走筆寄之

大江浩渺君山碧秋月飛空掃片石高歌醉月  
誰其主慷慨夙聞君好客君今六十意氣深孺  
暮依依孝子心不學王孫豪擊劍笑殺村兒守  
甕金公府旌辟亦何有篤行共推鄉祭酒祭酒  
文章今在否風流肯落前人後

裔出祭酒  
水南公

懷魏仲雪却寄

友道是耶非  
高歌懷采薇  
浪將之子別  
何處好  
忘機月澹青  
蘿冷江清紫  
蟹肥床頭酒  
應熟爲  
我浣征衣

簡繆采星

昔兆長庚夢  
今傳太史書  
千秋吾子在  
隻眼幾  
人餘世恣思  
平淡文心問  
密疎秋容剛  
寫碧靜  
理近何如

廿載論文意  
飛揚不自禁  
笑看童穉日  
欵語弟  
兄心露靜松  
叅影鍾寒月  
滿衾蕭狀水  
韻在遮  
莫浪浮沉

渡淮雨行歌以自遣并示仲餘

君不見不見  
長安道上沙  
暗天面眉鰲  
黑毛髮鬢又  
不見三日一  
風五日雨顛  
蕩輕車泥嚙  
股樹杪  
煙含雨氣濃  
風飛雲亂天  
濛濛此時高  
樓紫簾  
捲山光黯淡  
雨聲中而我  
何爲羈客夢  
浪分沙

落落齋遺集 卷四  
雨摧張仲慘頓衝霞度斷淮急漿翻波箭機送  
搖搖命寄片帆輕恰上平堤鏡鼓動征人慣說  
行路難戶庭若箇劇據鞍逢途之蹇行跚跚飄  
風颯颯征衣寒風風雨雨已如此况復長安變  
朱紫芙蓉灘頭月正明高歌問月且歸矣

月夜度磨盤山

山顛月半規素華流千頃月波冷可掬山容寫  
空靚身道石鼻尖高原遊目騁正作逶迤觀懸  
車忽倒影下方散凹凸露艸宿深井疎火馬蹄  
青杳杳棲雲屏山窮觀亦止車迴空引領獨招  
明月來古驛共悽靜

關山嶺

百尺懸崖日影翻誰將鬼斧劃天門當關氣入  
東南壯作鎮形分淮甸尊車馬度殘空外磬雲  
煙浮合望中村何當坐擁千山月長嘯山巔月  
滿罇

余凡三渡歌關山矣漫續短章

山骨亦可裂石堅亦可缺不磷良獨難世事問  
巧拙茲山削徑奇登登梯級絕車馬無息時下  
上紛相齧勞逸雖云異巧拙共斯轍去去任夷  
險淡緣聊自悅頑似山頭石心是山頭月

江夜

靜夜澹不波嫩沙恰半吐如聞悄語聲疊疊紋  
可譜

簡黃贊伯

叔度千秋士風流今在茲清來看骨瘦一往故  
情癡布子燈青後論文月白時心期兩兩合端  
不愧吾師予與贊伯同遊吳  
巒釋先生門故云  
春暮偕仲餘走長安秋半賦歸予行為匡

廬客矣書此留別

竭作長安夢春風忽度秋與君回首意同是望  
雲愁酒熱鳴鳴語燈青皓皓眸襟期良不異野

性復何求

桐江行

江流澹蕩兩山迎高帆掛向晚霞明快哉長風  
破萬里舟行點點飛雲輕此山此水競窈窕誰  
向巖灘復垂釣天末一絲縹緲懸天上客星今  
古炤人盡魚也貪其餌之子披篋空外嘯風迴  
帆落倚沙村水靜山眠對舉樽一杯酌汝桐江  
叟渭濱罷釣今何有

倚雪篇

小引

吾向嘗以意爲詩多無韻之哦不解法律恐爲  
所苦兩年來遂罷去客冬北上乍履山川飽餐  
雪月亦復欣狀字句點綴而思短手疎孤吟無  
緒輒又罷去七月旣望偕仲雪南還韻士之心  
口語一笑無非詩者心雖枯頑見之躍躍有喜  
行來飛觀寂想渡流澌陟危嶺晦明風雨之變  
友生廓落之懷每兩人寤歌率狀成韻正如秋

蛩之鳴天機偶引而仲雪間繩我法眉目稍具  
嘻官格板我飛沙蒙我仲雪以清心沃我三者  
未知孰勝今詩囊往矣吾初入里門酬應紛紛  
詩勝一公還可從仲雪索之否丙辰秋分前一  
日書於瓜步

東河道中雪山

雪徑亂山橫山山如束帶乍疑縹緲中  
征蓋

孟嘗養士處

古木寒鴉起暮煙祇今猶說孟嘗賢  
知何在剩得雞鳴狗盜傳

得家報寄大兄

帝鄉春色好柳絮亂如絲嗟予念遠道乃在長  
江濬兄也予良朋拍肩拾草嬉夜午撮酒脯鬪  
指雜敲碁總角讀父書分經禮與詩兄時欣博  
覽予亦喜探奇筆舌俱不俗巧拙互有之高談

落落齋遺集卷四  
先輩矩風雅亦吾師世眼青復白專愚謝雄雌  
雙作江郎夢連下董生帷擁褐鍾磬寒抱膝松  
影移選言標綺素裂紙故劓思靜夜憶親訓感  
嘆涕交頤甘苦十年事黽勉一舉旗曲江飛袂  
遊回首白雲悲素書故鄉來佳話忽紛披阿翁  
折屐口阿母加餐時孤窻理前緒簇簇上雙眉  
裁詩憑寄語何如棠棣詞

自述

嬾性何多畏幽踪亦偶狀每因顛倒想悟出宿  
因緣禮泐應非我道根疑是禪息機聊自逸澹  
意不須詮落落宜於酒悠悠好去眠坐餘窺鏡  
笑興着看山顛有客思敲子無言欲問天長松  
許作伴野鶴定相憐情死思前達勞生避世賢  
行藏殊未卜腰折阿誰邊

懷集之

臨風思子相對一高歌倚爾千秋意平茲世



局波情癡緣采劇

集之侍兒曰采童

詩料撚髯多誰是

憐才者仙曹貯老坡

時方應館試

閨思

一簾月影上疎桐無那離人在影中剛卸玉釵  
搔首望凄清何處又孤鴻

望東阿山

山色蕭蕭帶遠天輕雲如蓋覆山眠是濃是淡  
山無語此意吾將問米顛

晚次東阿野望似仲雪

疎疎樹色點山巒淡淡秋容落炤間不是君心  
清似水何人共我說青山

雙車徐帶遠山行行到疎林軫一停半樹半山  
雲外合天空日落總浮青

過新城弔荆卿

壯士有奇客徘徊欲與俱却憤太子意慷慨遂  
登車登車白日寒濺血何足嘆所嗟偕豎子成

功良獨難吁嗟乎功不成兮非術疎豎子怖死  
壯士孤不知當年客誰在悠悠此恨空千載

去冬過東省饑民食柳皮柳盡白今復成

陰矣

官道依依柳相憐我舊過霜根膚轉嫩秋葉態  
翻多昔忒同慘淡今來解嘯歌憑君青眼看行  
客好風波

紀夢

恍到蓮花地將無現宿因心空瞻大士僧說此  
真身分得巾箱秘看來玉樹春初禪叅不透誰  
爲洗囂塵

紀行

漸喜青山近生憎驛騎遛秋風解送客老樹似  
迎騶驛驛驚官擾山山洗我愁前程殊未達夜  
漏已添籌

車中偶成

行行過魯地秋氣正蕭森塵面羞山面文心映  
水心蟬高時斷夢風爽一開襟無限躊躇意荒  
碑古木陰

憶家園

夾水盤層松曲曲閒自瀉疎竹不盈畝臨水自  
瀟灑小樓兀其中倒影明月下

予受知荆溪周老師輒深國士之感耿耿  
此心寄之短篇

志士悲遲暮而余早致身十年塵几研一日傍  
楓宸白項慙知己青眸見古人願言敦素節未  
敢負陶甄

彭城山行

山形蹲兕首石啣趾難受步之恐或嗟輿人何  
赳赳忽復列平疇知出層山口遠望一山青未  
知其名某想得蒼蒼色其下可招耦清賞與何  
窮欣狀思村醜所喜渡江南數日剛餘九

曉山  
每憐滴滴晚山蒼晚景于今始一望映日初浮  
酣絳色籠雲徐褪嫩青妝遙看宿鳥過層嶺恐  
有幽人在上方便擬褰衣天際躡攬將佳氣貯  
奚囊

渡淮

勞勞嗟遠道六渡入濠梁始酌甘泉味纔聞秀  
穗香雲情如素熟身意亦吾鄉只此南中景歸

人早欲狂

過關山

去季霜風吹指裂山容黯黯愁雲結今年山容  
爲我開蒼苔浮翠點山骨下車指顧四山間似  
有樵人雲際躡廟貌戔戔再稽首落落我懷神  
所晰不願炎途鬪劍鋒但願清齋養白雪請看  
過客競雄心若箇雄心不銷滅歸去來兮意悠  
悠芙蓉寂寞江之洲好將一片江頭月酣對高

歌洗客愁

懷方孟旋

每恨吾生晚于君見古人如何老衲子却現宰  
官身道貌疑高韻婆心點世因茲生真穢土說  
泔且休頻

渡江別魏仲雪

僚慄在遠行蕭瑟悲秋氣問誰連袂飛超超阿

龍魏

先號龍超

日夕塵燄裏總脫腥羶味筆尖落青

山點畫浮空翠舌端寫幽懷滿眼丘壑趣車行

乍後先心賞遙相謂古驛引杯雙孤燈分影四

洗我俗腸空指我詩律細鬪指兼拍歌歆眠枕

我臂揚帆爪渡頭我怯君乃厲風柔浪不驚濤

聲雜榜柁焦山似浮鷗金山如螺髻疎雨帶飛

雲空蒙亂天際飄舟幾迴旋忽失蒼茫勢昨日

羈客心今日故鄉意所恨同歸子旦夕催分袂

明年早着鞭相將共攬轡

卷四  
閱季弟文喜而有作

勤勤讀父書十指博五斗阿兄腸眼枯青衫曳  
履走力田問逢年弓冶顧其後嗟哉文不易世  
澤可廢否竭從倦翼餘季也洗我垢指點新穎  
浮落句手如口慮汝心鴻鵠念汝影孤耦玲瓏  
兒子心賢冠亦何有狂歌明月前飛揚百杯酒

學餘草

月下同友步松徑

松際清流影蒼苔數行跡徒倚聽波聲上有玉  
露滴素心追太古玄言永今夕月落未應眠爲  
君煮白石

除夕

閒心驚爆竹孤影冷燈蛾豈是希夷寢經年一  
夢過

送春

倏忽春光去  
聞鶯一悵  
狀昏昏長似夢  
樂事又無緣

雨中閣楞嚴

坐來成小隱  
靜悄不聞隴  
細雨鳩鳴午  
輕寒燕語雙  
淞雲初覆地  
貝葉爲穿牕  
縱有凡心在看  
經也欲降

晚涼即事

清風動疎竹  
高枕北牕間  
偶逐飛螢起  
時看好身還  
月當天末淨  
人入夢中閒  
碌碌炎塵者  
何如此閉關

雨梅

梅含疎雨別  
生春幾點花  
稍灑不勻  
折得一枝  
應自遠遠香  
清絕  
嗔花人

閒懷

離恨年年在  
懸情夜夜深  
春風不解意  
吹落海

崇心

晚飲菜花下

黃花覆地映清樽遙見籬邊雞犬行細艸纔沾  
夕露溼遠山猶帶晚霞明村家煮笋纖纖供童  
子烹茶淡淡傾興劇歌聲頻促板何妨卿我復

卿卿

偶成

鷓鴣淡樹鳴何處不關情巫山元是夢浪道雨

雲行

夏夜

犬吠人初靜哇鳴夜正幽書空多怪事問影亦  
何求

和陶飲酒十二俱拙直無餘味今存其四  
人生有真樂睠此目前是會心豈遠求無譽亦  
無毀懷想在黃虞境界當爾爾水流復何心風  
至教文綺



其二

閑行曲欄外舉目見花姿籬筍滿園中飛鳥棲  
叢枝升沈朝復夕林木景多奇悠然意自領性  
拙澹無爲此中苟無累世網安足羈

其三

渺渺天際遠秋風來肅然木響葉頻飛靜悄似  
深山開卷知千載神往太古前俯仰自優  
酒聊結緣

其四

芙蓉低映水依依取人憐繁霜摧其英旋失向  
時妍所以貴松栢亭亭歷歲年丈夫自有志寧  
以世移遷

白下送友歸吳門

旅邸乍逢君論交一杯酒悠悠千古心雙劍寒  
星斗

其二

秋風催落葉惆悵送君行別思知何許江濤夜  
夜敲

其三  
姑蘇千里道四望暮雲深日落孤帆遠相思何  
處尋

其四

去去從茲去蕭蕭木葉愁離人無限意寄向大  
江流

擬怨歌行

夜風起兮宿鳥飛羅幙吹開兮夢魂歸人聲悄  
兮月正芳恨悠悠兮不能忘星寥落兮橫天河  
撫孤枕兮發浩歌人心險兮口生波起徘徊兮  
怨情多仰問蒼蒼兮柰遠何

如夢令

庭院紫薇誰伴樹上鳥啼聲亂晝長人正眠又  
被鳴蟬驚斷長嘆長嘆初放芙蓉滿岸

落落齋遺集卷四終

落落齋

落落齋遺集卷四終

落落齋遺集卷四終

落落齋遺集卷四終

落落齋遺集卷四終

落落齋遺集卷四終



